




Gerechteghaid

Bliedspul ien drai bedrieven



deur

TEUN MINSES

TONEELUITGEVERIJ VINK B.V.
(Grimas Theatergrime verkoop)
Tel: 072 - 5 11 24 07
E-mail: info@toneeluitgeverijvink.nl
Website: www.toneeluitgeverijvink.nl

VOORWAARDEN

Alle amateurverenigingen die het stuk: **GERECHTEGHAID** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **TEUN MINSES** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: © 2007 Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **7** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten van u te claimen, of te innen.**

SPEULERS:

Hindrik - rechter

Roos - zien vraauw

Rika - avvekoat

Fientje - schriever

Fokke - bekloagde

Moesker - van t Leger des Heils

Harmke - vraauw van Fokke.

DÉCOR:

Noar aigen ienzicht. n Toavel en n poar stoulen is genog. Petret van Keunegin achter rechter. t Zol schier wezen as rechter en avvekoat n toga aan hemmen.

EERSTE BEDRIJF

*Rechter komt ter ien, dik pak pampier onder d' arm, smit t op toavel.
Gaait zitten, kikt noar schriever dij aan n toafeltje zit te lezen.
Schriever kikt noar rechter, zwaait en lacht hom tou.*

Schriever: Moi.

Rechter: Ok goidag. Wat zitstoe te lachen, schriever. Is ter wat?

Schriever: Joa, wat zol der wezen, hè.....

Rechter: Most even goud luustern.

Schriever: Joa, joa, k begriept.... t Is hier....meneer de rechter.

Rechter: Wie binnen hier ien rechtzoal en nargens aans.

Schriever: Fersoun, dat staait hoog aanschreven, hè?

Rechter: Zo is t mor net, k bin onkreukbaar.

Schriever: Hierwel, joa.

Rechter: t Is goud met die. Wat hemmen wie vandoag.

Schriever: n Schrieven van t Ministerie. t Gaait over joe..... eh, meneer de rechter. De score van e moand.

Rechter: Score van e moand? Zegt mie niks.

Schriever: Op t Ministerie holden ze bie houveul stravven rechters oetdailen.

Rechter: *(kikt ien pampieren)* Das din mooi veur dij lu, holdt ze van e stroat, zal k mor zeggen.

Schriever; Joe stoan onderaan.

Rechter: Dut mie niks!

Schriever: Ze vienden dat joe te min stravven.

Rechter: Kom even, as lu veur mie kommen en ze hemmen n goud verhoal, wel bin ik den om ze ien t gevang te gooien.

Schriever: De tied , meneer de rechter, de tied.

Rechter: *(kikt op t horloge)* Sikkom 10 uur, joa, wie mouten votmoaken.

Schriever: Dat bedoul k nait. Hedendoagse tied vragt van rechters dat ze slim streng stravven.

Rechter: Wat heb ik doar nou mit te moaken, dat bepoal k zulf wel.

Schriever: t Volk, t Volk wil dat ter n veurbeeld steld wordt. Het tuug mout van e stroat en t is joen plicht dat te doun.

Rechter: Dus k mout strenger stravven.

Schiever: Ja zo is t, aans kin je joen boantje wel op e buuk schrieven.

Avvekoat komt binnen, gaait poestereg zitten.

Rechter: Wat viendstoe der van, avvekoat.

Avvekoat: Even heur, k heb mie versloapen, t is weer harstikke loat worden gusteravond.

Rechter: k Zol nait streng genug stravven.

Avvekoat: Heb k ok heurd. Aankloagers hemmen hier ok ja gain leven, elke verdachte dij hier mit n lulverhaal aankomt, gaat zo weer noar hoes, as t even kin kriegen ze nog n puut geld mit ok. Ze kinnen zeggen wat ze willen, joe trekken je der gain sodemieter van aan.

Rechter: Zeggen ze dat?

Avvekoat: Begriep mie goud, dat zeggen aankloagers, heur. As avvekoat hemmen wie joe hail groag, wie binnen aaltied blied dat joe der binnen, straf vaalt aaltied slim veurdaaileg oet. Wie, as avvekoaten , zeggen voak, oh, wat is dat n laive man, zo oardig, zo vrundelek en aaltied luustern noar avvekoaten.

Schriever: Wat kost stroop tegenswoordig? Wil joe der sums kwast bie.

Rechter: Dus, aankloagers denken dat k n watje bin?

Avvekoat: Dat binnen joen woorden.

Rechter: Goud, mooi, din zal k ze vandoag es n poepie roeken loaten.

Schriever: Joen score gaat omhoog vandoag, k vuil t aan mien knijen.

Rechter: Wat hemmen dien knijen doar mit te moaken.

Avvekoat: Dij goan bie heur as vanzulf oet mekoar, nait?

Schriever: Das gewoon n oetdrukken, heur!

Rechter: Ze bedoult dat nait letterlek, mor figuurlek, mevraauw de avvekoat.

Avvekoat: Magst wel Rika zeggen, heur.

Schriever: t Is nait d' gewoonte om mekoar hier bie veurnoam aan te spreken, nait Hindrik.

Rechter: Zo is dat, ofstand mout der weden. Wel staat op e liest vandoag

Schriever: n Moordenoar.

Rechter: Goud, mooi . t Kon minder. n Moordenoar.... Noam?

Schriever. Fokke, meneer.

Rechter: Fokke? Hemmen dij lu gain achternoam?

Schriever: Struun.. Fokke Struun

Rechter: Fokke Struun, dus.

Avvekoat: Joa, en ik bin zien avvekoat.

Schriever: Volgens mie is der argens familie van ain, dij ok zokswat omhaans had het.

Avvekoat: Nee, dat was Okke Kluun, dij is rond 1830 op Grode Maarkt ien Stad ophongen. Hai haar n òl wedevraauw, veur wat kermisgeld, mit n biel de hazzens iensloagen

Rechter: Nou, din dizze ok mor ophangen..

Avvekoat: Nou, nou, geliek ophangen. Wie hemmen ien dit laand gain doodstraf meer.

Rechter: Vanoaf vandoag wel. En boetendes.. Wat willen joe nou, eerst

bin k n watje, treed ik es keer op, is t weer nait goud.
Avvekoat: Joe goan je gang mor, k bemui mie der nait mit. (*gaait stoens zitten*)
Rechter: Roup veroordailde mor binnen.
Avvekoat: Ho ais even, niks veroordailde! Zolang zien schuld nait vaststoat is n bekloagde onschuldeg.
Rechter. Vandoag nait !. Hai is schuldeg tot zien onschuld bewezen is en dat zal joe nait lukken.
Avvekoat: Joe draaien zoak om.
Rechter: Joe zollen je der toch nait mit bemuien, haar k begrepen.
Avvekoat: Mien gevuil veur recht komt ien opstand!
Rechter: t Is wel goud mit die.

Schriever staat op en gaat naar deur.

Schriever: (*roupt*) Volgende patiënt!
Rechter: Hé, wie binnen hier nait bie dokter!

Fokke wordt binnenbrocht, kikt om hum hen en zegt goidag.

Rechter: Zitten. (*Fokke gaat zitten*)
Schriever: n Verdachte mout stoan, meneer de rechter.
Rechter: Stoan kerel, hest gain fersoun leerd.
Fokke: Joe zeden toch dat k zitten goan most.
Rechter: Kop dicht. Schriever, wat het dij gaalsterd doan.
Schriever: Hai het Harmke vermoord, meneer.
Rechter: Zo, zo, das nait best. Dat wordt hangen. Schrief mor op, schriever.
Schriever: Zo as joe willen... hangen dus.
Avvekoat: Joe lieken wel gek, dat kin toch nait!
Rechter: Dat bepoal k zulf wel. Oet!
Fokke: k Wait van niks, k laip eerguster noar hoes tou, en veur dat k der op verdocht was grepen ze mie ien t nekvel en zat k op plietsiebureau. En nou stoa k hier.
Rechter: Zo gait dat, snelrecht!. Veur goie gang van zoaken, doe bist toch Fokke Struun, hè?
Fokke: Joa meneer.
Rechter: Dan hemmen wie goie te pakken. Goud Fokke, doe gaaist dus aan gaalg.
Avvekoat: Ho, ho, mag k ok wat zeggen?
Rechter: Mag, mor t moakt niks oet. Mien besluit staat vast.
Avvekoat: Woarom vroag joe hom nait wat veur belang hij der bie har

om zukswat te doun?

Rechter: Nait neudig. Overal hemmen dij lu n reden veur, zoepenbrij te zolt, vlaais aanbrand .Goa zo mor deur, doar zit k nait mit.

Avvekoat: Wat dou k hier din nog.

Rechter: Magst ok noar hoes en op bèr goan as t dat laiver dust.

Avvekoat: k Bin zien avvekoat, k vroag vrijsproak!

Rechter: Over mien liek. t Vonnis is der al. Hangen. Hou hest t doan.

Avvekoat: Hè, hè, wie kommen op t rechte pad.

Schriever: Hai het Harmke vermoord, haals deursneden, ien stukken hakt, ien pekel legt en ien n vat gooit.

Fokke: Wel het dat zegt.

Rechter: Dat dut niks, der is n aanklacht en dat is genug.

Avvekoat: De bekloagde mag waiten wel dij aanklacht doan het.

Rechter: Schiet! Wel binnen joe ainlieks, k bin rechter.

Avvekoat: As k onrecht zie loat k mien haart spreken, en k vuil dat hier n onschuldig mins staait.

Rechter: t Is wel goud mit die. Goud, Fokke. Das nait mis mien jong. Dat wordt wel drai keer hangen.

Fokke: k Bin onschuldig. k Wait van niks.

Rechter: Dat zeggen ze aaltemoal, dat heb k al zo voak heurd, doar trap k nait meer ien. Wat hest mit t liek doan.

Schriever: Eerst haals deursneden, dou ien stukken hakt, dij stukken het ter ien pekel zet en ien n vat stopt.

Rechter: Ien n vat stopt, zo. Net as bie sniebonen ien t zolt, plaankje der op en n dikke stain veur t gewicht.

Schriever: Krekt, ja.

Rechter: k Bin der gek op... sniebonen. As t winter is moakt mien vraauw t ok, n stukje gaail spek der bie. Om joe vingers der bie op te vreten.

Avvekoat: k Heb laiver zuurkool, oetbakken spekjes der deurhen, bloudworst van slachter.

Rechter: Doar is niks mis met, mor sniebonen. Waist wat ok slim lekker is.

Avvekoat: Nou?

Rechter: Haardschilde bonen mit oetbakken spek, dat sisterd zo lekker!!!

Avvekoat: Joa, joa, n siepeltje en wat mosterd der bie en n zure bom!

Rechter: t Wotter lopt mie ien mond. En wat denkst van stampot mous mit worst...

Fokke: (*gaait der bie stoan*) Boontjesoep, wat docht joe doar din van.

Rechter: Boontjesoep! Joa, aibels lekker, mor k wordt der zo bloazereg van.

Fokke: Krieg ik ok altied last van. Mout boetendeur om n dikke wiend te loaten.

Rechter: Oh, doar zit k nait mit, heur. k Loat ze gewoon knappen. Even omhoog ien stoul, en hup, doar gaat e, wat der ien komt, mout der ok weer oet. Dingen die mie dwingen loat k springen, kommen der meer dou t weer.

Fokke: Dat kin k ien hoes nait doun, as k n lucifer ofsteek vlugt haaile bliksemse brut de locht ien. Nou, leg dat mor ais oet aan e braandverzekern.

Schriever: Ja heur, wie binnen der weer. t Grunneger besluit, draait altied weer op stront uut. Woar hebben we t hier ainlieks over! Dit is verduid n rechtbank, gain kroug!

Avvekoat: Joa, nou t zegst.

Rechter: Das woar ok, dus Fokke, beste kerel.. doe gaatst hangen! Doar binnen wie t mit n kander over ains.

Avvekoat: Binnen der gain verzachtende omstandigheden?

Rechter: Hol op , t is nogal wat, wat ter doan het. t Arme wichtje vermoord, haals deursneden, ien stukken hakt en ien pekel zet. Kom der mor es op.

Avvekoat.: k Wol toch even daiper op de zaak ingoan..

Moesker komt binnen.

Moesker: Goidag mit n kander, deur ston open, k was ien buurt en k docht bie mie zulf.

Rechter: Wel bin joe nou weer?

Moesker: Moesker, van t Leger des Heils. (*rammelt met bus*)

Rechter: En wat mout Moesker hier, hest wat omhaans had? Geldbus leegstolen? Goa mor even zitten, bist zo aan beurt, biezunder tarief vandoag

Moesker: k Collecteer veur t Leger, veur misdeelden en aarmoud ien dizze wereld.

Rechter: Dan binnen joe aan t verkeerde adres, dit is n rechtbank.

Moesker: Juust, k docht dij hoge heren hebben wel paar lözze stuvors ie e buus, k wait bie touvaal wat joe ien moand vangen, topsaloarissen.

Avvekoat: k Heb gain knip bie mie.

Moesker: Geft niks, Rika. k Kom vanoavond wel even del.

Avvekoat: As t mor nait weer zo loat wordt as gusteravond, dat hold gain mins vol.

Moesker: k Zol der mor rekenschap mit holden.

Rechter: Hemmen joe din wat mit n kander?

Avvekoat: Hou kom je der bie, t is gewoon zoakelek, nait Evert.

Moesker: Joa Rika, gewoon zoakelek.

Rechter: t Zal mie ok n zörg wezen wat joe ien joe vrije tied oetvreten.

Moesker: Nou, hemmen joe nog wat over veur n goud doel? k Heb n bult onkosten.

Rechter: k Heb aans niks as dikke stukken en dij krigst nait, dus opdonderen Moesker.

Moesker: As k t nait docht haar.

Rechter: Bist doof. Opgesodemierterd Moesker!

Fokke: Hier Moesker, mien leste centen binnen veur joe.

Moesker: Kiek nou, kiek nou, dij arme man gefit wat ter het, doar kin je n veurbeeld aan nimmen. Bedankt Fokke, k wens dij, n lang en gelukkeg leven!

Fokke: Aan mie zal t nait liggen.. Evert...eh, Moesker.

Rechter: Hé, hé.. Hou wait joe dat dij kerel Fokke hait?

Moesker: Zee k Fokke? Hou is t meugelek, hè, hou kom k ter op.

Rechter: Weg wezen doe.

Moesker: Komt wel goud, mien jong.

Rechter: Dat zol e wel willen, vot doel!.

Moesker of.

Rechter: Zo, mooi, goud. Nou doe Fokke.

Fokke: Meneer, k bin echt onschuldig.

Rechter: Man, hol dien kop. Elkain zugt toch op ofstand dastoe nait deugtst, n misdoadeger bist, doar binnen getugen van.

Fokke: k Kin getugen dij zeggen dat k n goud mins bin.

Rechter: Nuim der es ain.

Fokke: Nou, dij juffer meschain? (*wist noar avvekoat*)

Rechter: Kin joe dizze man, avvekoat?

Avvekoat: Das te zeggen...

Rechter: Nait dus. Aans nog wat?

Fokke: Mien Moeke, wat docht joe doarvan.

Avvekoat: Oh... Fokke, dat zol k mor nait doun.

Rechter: Telt ok nait, das familie.

Fokke: Din wait ik t ok nait meer.

Rechter: Din is bewezen dastoe n misdoader bist. Hangen.

Avvekoat: k Roup n getuge op.

Schriever lopt noar deur.

Schriever: Getuge ien e zaak Fokke Struun!

Harmke op.

Harmke: Meneer!

Rechter: Is dat joen getuge?

Avvekoat: Joa, dit is Harmke.

Harmke: k Wil getugen, meneer.

Rechter: t Kin mie niks schelen watstoe zegst, Fokke hangt veurdatt duuster wordt.

Harmke: Is dat eerlieks woar?

Rechter: Kinst gif op innemen.

Harmke: *(nikkopt)* Oh.

Fokke: Harmke!

Harmke: Fokke! Mien laiverd.

Rechter: Even kaalm aan, ja!

Fokke: Dit is Harmke, mien wief.

Rechter: Dij vermoord is, haals deur sneden, ien stukken hakt, ien pekel zet en ien t sniebonenvat stopt?

Harmke: Krekt, dat bin ik.

Rechter: Wat mostoe hier din, goa weer ien dien vat.

Harmke: k Wil mien Fokke weerom, hai is n beste kirrel.

Rechter: Joa, joa.

Harmke: Hai het mie altied goud behandelt, het mie ien klaaier zet, mie eten geven en n dak boven mien kop, nait Fokke?

Fokke: En zeuven kiender.

Harmke: En nog ain op komst.

Avvekoat: As dat gain reden veur vrijsproak is.

Rechter: Hol joe der even boeten ja.

Harmke: Woarom staait ter hier.

Rechter: Hai het Harmke van kaant moakt, ien stukken sneden.

Schriever: *(leest hardop)* Ien pekel zet en ien t sniebonenvat stop en n staain der op.

Harmke: k Stoa hier toch?

Rechter: Wel zegt dastoe Harmke bist.

Fokke: Dit is Harmke.

Rechter: Aha! Nou heb k die, voaderman! Doe lugst as n hounderdaif en dat is n verzworende omstandighaid.

Fokke: k Heb niks doan!

Rechter: Ok als zolstoe Harmke nait ombrocht hemmen, doe lugst.. en dat is genug om die op te hangen. Schriever.. schrief op. k Veroordail Fokke tot strop omdat ter logen het. En nou vot met dij kirrel. De vergoadern is sloten.

Fokke wordt ofvoerd deur schriever. Harmke zakt ien stoul ien mekoar, snokt. Avvekoat gef t heur n buusdouk.

Avvekoat: Rusteg mor, rusteg mor, t komt wel goud. Nou, doar binnen wie din mooi kloar mit

Rechter. Hou dat zo?

Avvekoat: Joe hemmen Fokke tot strop veroordailt, allènt omdat e logen het. Dat kin toch nait.

Harmke: Mien Fokke

Rechter: Is doar din wat mis met? t Is n moordenoar en boetendes, hai zal nog wel veul meer op zien gewaiten hemmen.

Avvekoat: En joe dinken dat je doar zo mit votkomen.

Rechter: Woarom nait, k bin ja rechter.

Avvekoat: Dat mag joe wensen, hier krieg joe dikke stront mit. Joe hemmen gain poot om op te stoan.

Harmke: Fokke!

Rechter: Hol dien kop. t Recht mout zien loop hemmen.

Avvekoat: Kiek nou ains wat joe aanricht hemmen. Dat aarme minsje wait nait woar ze t zuiken mout. Hou mot het nou mit heur en heur aarme bloudjes van kiender.

Harmke: En nog ain op komst.

Rechter: Beter oetkieken ien t vervolg mit wèl je op bèr kroepen.

Harmke: Das nait op bèr gebeurd, heur. t Was op e kougaang.

Rechter: t Zal mie n zörg wezen. Goa noar hoes. Potje mit aske stuur k je wel, as Fokke ... joe begriepen mie wel.

Harmke: Aske? Van Fokke? Wat mout k doarmit.

Rechter: Kist t op bozzem zetten, bloemke der bie.

Harmke: *(jammert en snokt t oet)* Ehhhhh.

Rechter: Of over eerbaaien, goud tegen slakken en ze gruien der meroakel van.

Harmke: *(nog harder)* Fokke over eerbaaien, dij lust ter ja nait.

Rechter: Hai vernemt ter niks meer van


Avvekoat: Wat binnen joe ja n minne kirrel. Joe krieggen joe part nog wel thoës. Kom mor Harmke, k bring die even noar gaang, kinst even wat biekommen.

Avvekoat nimt Harmke bie arm. Roos komt binnen, kikt noar Harmke. Harmke snoft.

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto